



Universitätsbibliothek Paderborn

**Concordia. Pia Et Vnanimi Consensv repetita Confessio
fidei & doctrinæ Electorvm, Principvm Et Ordinvm Imperii,
atq[ue] eorundem Theologorum, qui Augustanam
Confessionem amplectuntur**

Lipsiæ, 1606

III. De Ivstitia Fidei Coram Deo.

urn:nbn:de:hbz:466:1-35443

Spiritus sancti, ut ea non modo gratiam apprehendat, verum etiam in operibus sequentibus Spiritui sancto cooperetur.

Relinquuntur igitur ante conuersiōnē hominis dux tantum efficientes causæ, (ad conuersiōnē efficaces) nimirū Spiritus sanctus, & verbum Dei, quod est instrumentum Spiritus sancti, quo conuersiōnē hominis efficit. Hoc verbum homo certè audire debet: sed tamen ut illud ipsum vera fide amplectatur, id nequaquam suis viribus proprijs, sed sola gratia & operatione Dei Spiritus Sancti obtainere potest.

III.

DE IVSTITIA FIDEI
CORAM DEO.*Status controversiae.*

VNANMI consensu (ad normam verbi diuinī & sententiam Augustanæ Confessionis) in Ecclesijs nostris docetur, nos peccatores longè miserrimos sola in Christum fide coram Deo iustificari & saluari: ita ut Christus solus nostra sit iustitia. Hic autem Iesus Christus saluator noster, & iustitia nostra, verus Deus est, & verus homo, etenim diuina & humana naturæ in ipso sunt personaliter unitæ. Quæsumus igitur fuit: secundum quam natu-ram Christus nostra sit iustitia? Et hac occasione duo errores & quidem inter se pugnantes, Ecclesijs quadam perturbârunt.

Vna enim pars sensit, Christum tantummodo secun-dum diuinam naturam esse nostram iustitiam: si vide-lacet ille per fidem in nobis habitet: etenim omnia ho-minū peccata, collata nimirū cum illa per fidē inhabi-tante diuinitate, esse instar vnius guttulæ aquæ, cum

*Ierem. 23.
1. Cor. 1.
2. Cor. 5.*

magnō mari comparatæ. Contra hanc opinionem alij quidam asseruerunt, Christum esse nostram coram Deo iustitiam, duntaxat secundūm humanam natu-ram.

AFFIRMATIVA.

*Syncea doctrina piarū Ecclesiarū,
utriq; commemorato errori opposita.*

I.

AD refellendum utrumque errorem, credimus, docemus, & confitemur vnamiter: quod Christus verè sit nostra iustitia: sed tamē neq; secundūm solam diuinam naturam, neq; secundūm solam humanam naturam, sed totus Christus, secundūm utrāq; naturam, in SOLA, videlicet, obedientia sua: quam Patri ad mortem usq; absolutissimam Deus & homo præstít: eaque nobis peccatorum omnium remissionem, & vitam æternam promeruit. Sicut scriptum est: Sicut per inobedientiam unius hominis peccatores constituti sunt multi: ita & per unius obedientiam iusti constituentur multi, Rom. 5.

II.

Credimus igitur, docemus, & confitemur, hoc ipsum nostram esse coram Deo iustitiam, quod Dominus nobis peccata remittit, ex mera gratia, ab aliquo respectu præcedentium, præsentium, aut consequentium nostrorum operum, dignitatis aut meriti. Ille enim donat atque imputat nobis iustitiam obedientie Christi: propter eam iustitiam à Deo in gratiam recipimus, & iusti reputamur.

III.

Credimus etiam, docemus, & confitemur, SOLAM FIDEM esse illud medium & instrumentū, quo Christum saluatorem, & ita in Christo iustitiam illam, quocum iudicio Dei consistere potest, apprehendimus: propter Christum enim fides illa nobis ad iustitiam imputatur, Rom. 4.

Cedi-

Credimus præterea, docemus & confitemur, fidem illam iustificantē non esse nudam notitiam historiæ de Christo, sed ingens atq; tale D E I donum, quo Christum Redemptorem nostrum, in verbo Euangelij recte agnoscimus, ipsique confidimus: quod videlicet propter solam ipsius obedientiam, ex gratia, remissionem peccatorum habeamus, sancti & iusti coram D o P a t r e reputemur, & æternam salutem consequamur.

Credimus, docemus, & confitemur, vocabulum (iustificare) phrasí scripturæ sacræ, in hoc articulo, idem significare, quod absoluere à peccatis: ut ex dicto Salomonis intelligi potest: Qui iustificat impium, & qui condemnat iustum, abominabilis est vterq; apud Deum. Item: Quis accusabit electos Dei? Deus est, qui iustificat.

Et, si quando pro vocabulo iustificationis, vocabula regenerationis & vivificationis usurpantur: (quod in Apologia Augustanæ Confessionis factum est) sunt ea in illa superiore significatione accipienda. Nam aliás ex voce de hominis renouatione intelligendæ sunt, quæ à fidei iustificatione recte discernitur.

Credimus, docemus, & confitemur etiam, et si vtrè in Christum credentes & renati multis infirmitatibus & nœuis vsq; ad mortem sunt obnoxij: non tamen illis vel de iustitia, quæ per fidem ipsis imputatur, vel de æterna salute esse dubitandum: quin potius firmiter ille statuendum esse, quod propter Christum, iuxta promissionem & immotum verbum Euangelij, Deum sibi lacatum habeant.

Credimus, docemus, & confitemur, quod ad conseruandam puram doctrinam de iustitia fidei coram Deo, necessarium sit: ut particulæ exclusiæ, (quibus apostolus Paulus Christi meritum ab operibus nostris proorsus separat, SOLIQ VZ Christo eam gloriam

I I I I .

I I I V

V.

Prover. 17.

Roman. 8.

VI.

VII.

tribuit) quām diligentissimē retineantur, ut cūm Paulus scribit, ex gratia, gratis, sine meritis, absq; lege, sine operibus, non ex operibus: Quæ omnia, hoc ipsum dicunt: **S O L A** fide in Christum iustificamur & saluamur.

VIII.

Galat. 5.

Credimus, docemus, & confitemur, et si antecedens contritio, & subsequens noua obedientia ad articulū iustificationis coram Deo non pertinent: non tamen talē fidem iustificantem esse fingendam, quā vñā cum malo proposito, pecandi videlicet, & contra conscientiam agendi, esse & stare possit. Sed postquam homo per fidem est iustificatus, tum veram illam & viuam fidem esse per charitatem efficacem, & bona opera semper fidem iustificantem sequi, & vñā cum ei, si modò vera & viua fides est, certissimē deprehendi. Fides enim vera nunquam sola est, quin charitatem & spem semper secum habeat.

ANTITHESIS, SEV. NE-
GATIVA.*Reiectio contrariae & false
doctrinae.*

Repudiamus ergo, & damnamus omnia falsa do-
ctrina, quæ iam recitabimus.

Christum esse iustitiam nostram solummodo
secundūm diuinam naturam.

Christum esse iustitiam nostram tantummodo iux-
ta humanam naturam.

In dictis Propheticis & Apostolicis, ubi de iustifica-
tione fidei agitur, vocabula (iustificare & iustificari)
non idem esse, ac à peccatis absoluere, & absolvī, &
remissionem peccatorum consequi. Sed nos per cha-
ritatem à Spiritu sancto infusam, per virtutes, & pr-

opera

opera, quæ à charitate pro manant, re ipsa coram Deo iustos fieri.

Fidem non respicere in solam Christi obedientiam, sed in diuinam eius naturam: quatenus, videlicet, ea in nobis habitet atq; efficax sit: ut per eam inhabitacionem peccata nostra tegantur.

Fidem esse talem fiduciam in obedientiam Christi, quæ possit in eo etiam homine permanere & consistere, qui vera pœnitentia careat, & ubi charitas non se quatur: sed qui contra conscientiam in peccatis persevereret.

Non ipsum Deum, sed tantum dona Dei in credibus habitare.

Fidem ideo salutem nobis conferre, quod nouitas illa, quæ in dilectione erga Deum & proximum consistit, per fidem in nobis incoetur.

Fidem in iustificationis negocio primas quidē partes tenere: sed tamen etiam renouationem & charitatem ad iustitiam nostram coram Deo pertinere: ita, ut renouatio & charitas quidem non sint principalis causa nostræ iustitiae: sed tamen iustitiam nostram coram Deo (si absint renouatio & charitas) non esse integrum & perfectam.

Credentes in Christum coram Deo iustos esse & salvios, simul per imputatam Christi iustitiam, & per inchoatam nouam obedientiam: vel, partim quidem per imputationem iustitiae Christi, partim vero per inchoatam nouam obedientiam.

Promissionem gratiæ nobis applicari per fidem in corde, & præterea etiam per confessionem, quæ ore fit, & per alias virtutes.

Fidem non iustificare sine bonis operibus: itaq; bona opera necessario ad iustitiam requiri, & absq; eorum praesentia hominem iustificari non posse.

III.

V.

VI.

VII.

VIII.

IX.

X.

XI.

DE

III.

DE BONIS OPE-
RIBVS.*Status contiouerſiæ.*

ND O C T R I N A de bonis operibus, du
contiouerſiæ in quibusdam Ecclesijs or
tæ sunt.

I.

Primum schisma inter Theologos
quosdam factum est, cùm alij affererent:
bona opera necessaria esse ad salutem: impossibile es
saluari sine bonis operibus: Et, neminem vñquam sine
bonis operibus saluatum esse: Alij verò docerent: Bon
opera ad salutem esse pernicioſa.

II.

Alterum schisma inter Theologos nonnullos super
vocabulis (necessarium & liberum) ortum est. Altera
enim pars contendit, vocabulum (necessarium) non ei
ſe usurpandum de noua obedientia: eam enim non
necessitate quadam & coactione, sed à spontaneo ſpi
ritu promanare. Altera verò pars vocabulum (ne
cessarium) prorsus retinendum censuit: propterea
quod illa obedientia non in nostro arbitrio posita &
libera fit, sed homines renatos illud obsequium debet
præstare.

Et dum de commemoratis illis vocabulis disputa
tum est, tandem etiam de reipsa fuit disceptatum. Alij
enim contenderunt, Legem apud Christianos prorsus
non esse docendam: sed tantummodò doctrina Eu
angelij homines ad bona opera inuitandos esse. Alij hanc
opinionem impugnârunt,

AFFIR.